

խեղդ[ե]ն և գլխատեն. և յամենայն օր մէկ, երկու և երեք անգամ դունտաթ գտանին ձգեցաւ ի ցերեկի, որպէս զի հրդեհիցի ստամբօլ<sup>1</sup>: (Հ. Պ[օղոս] վ. [Կ. Պոլսեցի Սիմոնեան] առ Մխիթար. 1731, սեպտեմբերի 7. ի ստամբօլ):

իւր.

Մար Իսուֆ հոշակաւոր ուղղափառ կաթնուղիկոսն նետորականաց աստ է, և ի վաղին ելանէ ի ճանապարհ գնալ յԵլպով, և անտի ի Վիէնայ, և անտի ի տեղը, և ի տեղէն՝ ի Հոօմ. և աստ յոյժ մեծարեցաւ ի վանականաց և ի հրեշտակաց, մանաւանդ ի մերմէ հրեշտակէ. ապա պատշաճ է պատուիլ նա և ի մէնջ երբ յայդը լինիցի. զի անտանելի է կրեցեալ հալածումն ի դմանէ սակս հաւատոյ որպէս և գիտէք ի վաղուց ժամանակաց, յորս ոչ միայն լուսաւորեաց զտիրքրանակերտն և զնինուէ, այլ ևս շրջակայ վայրս, մինչև ի հասանիլ ի Հալէպ, ի Դամասկոս, և ի Բաբելօն. և ես ի մանկութենէ լսէի զդուրա գործն. և արդ յատկաւ աչօք տեսանելոյ զանձն արժանի եղէ: (Հ. Յակոբ [Կարնեցի Ներսեսեան] առ Մխիթար. 1731 յունիսի 15. ի Կ. Պոլսոյ):

իւր.

Չայս նոր լուր լուաք, զի տաճկունքն ի մէջ իւրեանց ասացեալք են, թէ զըզլպաշի թագաւորն զհամարձակութիւն տուեալ է մօտքովին դէպ ի Հինտիտան եղեալ իւր երկրացն տիրել: Եւ այս տաճկացն իցէ ընդդէմ. և երևեալ իցէ սոցա վերստին աւերիլ ընդ նմա: (Հ. Պ[օղոս] վ. առ Մխիթար. 1832. յունիս 13. ի Ղարաբիա):

լ.

Կոստանդինուպօլիս սաստիկ մահ է ընկած, որքան ժամանակ է մինչև ցայժմ, դեռ ևս գոյ, որովհետև էլչիներն երկուղէ մահուան փախած են...: Ղզլպաշին պատերազմի որպիսութիւնն մինչև ցայսօր ճշմարիտ բան ոչ գոյ. միայն ոմանք ասեն թէ հաշտութիւն և խաղաղութիւն է. և այս իմայ որ զըզլպաշի էլչին ստամբօլ առաջագոյն բանտն էր, այժմ խանած են և մեծագոյն պատուով ուղղեվորած առ իւրայինսն, և մի ևս էլչի նորագոյն է եկած ստամբօլ, այսպիսեօքս յայտնի նշան է հաշտութեան: (Խաւիկ Յակոբեան առ Մխիթար. 1732 Հոկտ. 12. Իզմիր):

լւ.

Արդ տեղիս որպիսութիւնն, նշան վատ երևայ, զի օր ըստ օրէ իբրև պատիժ երևայ, զի այլազգի դատաստանն վերացեալ է, առաւել նեղութեան և ճգանաց միջի են ազգն հայոց, իբրև իտրայեւացիք ի ձեռս Փարաւօնի: Չի բազում մարդիկք տնով չեցին աստի, ոմանք գնալով Իզմիր, ոմանք ի կոստանդինուպօլիս, և ոմանք ի տրապիզոն, ոմանք զարմ և ոմանք այլ ուրեք. իսկ մնացեալքն այլ հնար որոնեն չուելոյ: (Հ. Յակոբ առ Մխիթար. 1732 դեկտ. 10. [Կարիկե?]):

լը.

Լուսաւորչայ ժամն սկսան ի դեկտ. 13... և կապուտիկն գրագիր է ի վերայ մշակաց, որք վասն շինութեան եկեղեցւոյն բանին: (Հ. Պ[օղոս] վ. առ Մխիթար. 1732 դեկտ. 24. [Կ. Պոլիս]):

1. Սուլթան Մահմուտ Ա.ի ժամանակն է: